

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINSKI SUD U TEŠANJ
Broj: 39 0 K 074904 25 K
Dana, 23.03.2026. godine

U IME FEDERACIJE BIH!

Općinski sud u Tešnju, sudija Bekrić Hidajeta, uz sudjelovanje zapisničara Alisa Šabanović, u krivičnom predmetu optuženog M. S. zvanu „V.“ sin B. iz O. P. broj ... općina Tešanj, zbog krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. Krivičnog zakona Z Federacije Bosne i Hercegovine, po optužnici Kantonalnog tužilaštva ZE-DO kantona Zenica broj T04 0 KT ... 24 od 02.09.2024. godine, nakon održanog glavnog pretresa u prisutnosti tužitelja Kantonalnog tužilaštva ZE-DO kantona Huseinbašić Mehmedalije optuženog i njegovog branioca Bošnjak Berina advokata iz Jelaha, dana 23.03.2026 godine, donio je sljedeću:

P R E S U D U

Protiv,
M. S., zvanu „V.“, sin B. i majke E. rođene S., rođen godine u Zenici, nastanjen u Tešnju, O. P. broj ..., pismen, sa završenom srednjom školom, po zanimanju trgovac, neoženjen, srednjeg imovnog stanja, po nacionalnosti Bošnjak, državljanin BiH, JMB: ..., neosuđivan,

Kriv je

što je:

dana 24.04.2023. godine, u Tešnju u mjestu O. P. oko 13,30 sati, suprotno odredbama člana 4. stav 1., 2, 3. i 5., a u vezi sa odredbom člana 20. Zakona o sprečavanju i suzbijanju zloupotrebe opojnih droga, neovlašteno radi dalje prodaje kod sebe posjedovao opojnu drogu „amfetamin“ upakovanu u 6 pvc paketića neto mase 1,837 grama, 1,862 grama, 0,396 grama, 0,307 grama, 0,813 grama, 0,499 grama koje su se nalazile u žutoj plastičnoj kutijici (od kinder jajeta), iako je znao i bio svjestan da je posjedovanje opojne droge radi dalje prodaje zakonom zabranjena, što je i htio“, a koja opojna droga je pod rednim brojem 1., Liste opojnih droga iz Tabele 2., Liste psihotropnih stvari proglašena takvom, koju drogu je dobrovoljno predao policijskim službenicima PS Tešanj,

dakle, radi dalje prodaje neovlašteno držao opojnu drogu,

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. Krivičnog Zakona Federacije Bosne i Hercegovine.

Pa mu se na osnovu istih zakonskih odredaba, te odredaba člana 49., 50 tačka b i 62. Krivičnog Zakona Federacije Bosne i Hercegovine izriče

UVJETNA OSUDA

Kojom se optuženom za počinjeno krivično djelo utvrđuje kazna zatvora u trajanju od 1 (jedne) godine i istovremeno određuje da se ista neće izvršiti ukoliko optuženi u roku od 1 (jedne) godine dana, a računajući od dana pravosnažnosti presude, ne učini novo krivično djelo.

U smislu odredaba člana 78. Zakona o krivičnom postupku F BiH i člana 238. stav 4. Krivičnog zakona Federacije BiH optuženom se izriče mjera sigurnosti oduzimanja predmeta i privremeno oduzeta opojna droga „speed“ u šest paketića (1,837 grama, 1,862 grama, 0,396 grama, 0,307 grama, 0,813 grama, 0,499 grama ukupno 5,714 grama) se trajno oduzima, a količina preostala nakon vještačenja (1,810 grama; 1,831 gram, 0,374 grama, 0,279 grama; 0,78 grama i 0,474 grama) ima uništiti

Naređuje se Komisiji za uništenje opojne droge formirane pri Vijeću Ministara BiH da odmah po prijemu naloga za izvršenje mjere sigurnosti a najdalje u roku od mjesec dana od PU IV PS Tešanj oduzme navedenu opojnu drogu preostalu nakon izvršenog vještačenja, te istu uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekusora.

Optuženi se obavezuje na plaćanja troškova krivičnog postupka u paušalnom iznosu od 60,00 KM u roku od 15 dana od dana pravosnažnosti presude.

O b r a z l o ž e n j e

Kantonarno tužilaštvo ZE-DO kantona Zenica optužnicom T04 0 KT ... 24 od 02.09.2024 godine optužilo je M. S. zvani „V.“ zbog krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. Krivičnog zakona F BiH, (udaljem tekstu KZ F BIH)počinjenog na način, vrijeme i mjesto kako je to pobliže opisano u optužnici, temeljeći optužbu na dokazima koji su prikupljeni u istrazi i predloženi u optužbi.

Sudija za prethodno saslušanje ovog suda potvrdio je ovu optužnicu dana 10.09.2024. godine. Na ročištu za izjašnjenje o krivnji optuženi je izjavio da poriče krivnju pa je i zakazan glavni pretres.

U toku glavnog pretresa održanog dana 23.03.2026. godine, optuženi je izjavio da je tačno da je u vrijeme i mjestu, na način i u količini kako je to opisano u optužnici neovlašteno posjedovao opojnu drogu, radi dalje prodaje, da se iskreno kaje i da priznaje krivnju po ovoj optužnici.

Priznanje optuženog je potpuno i u skladu sa dokazima u spisu, i to: zapisnik o uviđaju PS Tešanj broj: ... od 24.04.2023. godine, zapisnik o izvršenoj radnji privremenog oduzimanja predmeta i popisu privremeno oduzetih predmeta PS Tešanj broj: ... od 24.04.2023. godine, potvrda o privremenom oduzimanju predmeta PS Tešanj broj: ... od 24.04.2023. godine na ime M. S., zapisnik o otvaranju i pregledu privremeno oduzetih predmeta PS Tešanj broj: ... od 21.08.2023. godine, naredba Kantonalnog tužiteljstva ZDK broj: T04 0 KTA ... 23 od 08.05.2023. godine, fotodokumentacija PS Tešanj broj: ... od 24.08.2023. godine i 21.08.2024. godine i izvod iz kaznene evidencije za osumnjičenog M. S. PS Tešanj broj: ... od 10.07.2024. godine pa je sud cijeneći izvedene dokaze pojedinačno i u njihovoj međusobnoj vezi utvrdio da je optuženi počinio radnje opisane u dispozitivu ove presude, odnosno da je neovlašteno kod sebe posjedovao šest paketića bijele praškaste materije neto mase 1,837 grama, 1,862 grama, 0,396 grama, 0,307 grama, 0,813 grama, 0,499 grama ukupno 5,714 grama za koju praškastu materiju je utvrđeno vještačenjem da sadrži psihoaktivnu komponentu „amfetamin“, te da je optuženi bio svjestan da se radi o materiji čije je posjedovanje i promet zabranjen, a istu je držao kod sebe radi prodaje.

Uvjerenje suda je da je do priznanja krivnje došlo sa razumijevanjem, te da je optuženi svjestan svih posljedica i obaveza koje proističu iz priznanja krivnje, te da postoji dovoljno dokaza o krivnji optuženog, pa je sud i prihvatio priznanje optuženog.

Budući da je odredbom člana 3. tačka 1. Zakona o sprečavanju i suzbijanju zloupotrebe opojnih droga (Sl. Glasnik BiH br. 8 od 07.02.2006. godine) propisano da je opojna droga svaka tvar prirodnog ili umjetnog porijekla koja je uvrštena u popis opojnih droga u skladu s međunarodnim konvencijama o nadzoru nad opojnim drogama ili na temelju odluke nadležnih tijela u Bosni i Hercegovini, a da su odredbom člana 4. istog Zakona propisane opće zabrane, odnosno da je posjedovanje opojnih droga i psihotropnih supstanci dozvoljeno samo u medicinske, veterinarske i naučne svrhe, te pošto je utvrđeno da biljni materijal koji je pronađen kod optuženog sadrži psihoaktivnu komponentu „amfetamin“ koja se nalazi na popisu opojnih droga psihotropnih tvari biljaka iz kojih se može dobiti opojna droga i prekusura, to je optuženi i postupao suprotno odredbama člana 2 i 3, 4. i 19 Zakona o sprečavanju i suzbijanju zloupotrebe opojnih droga (neovlašteno držao radi dalje prodaje navedenu opojnu drogu).

Kako krivično djelo „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH čini onaj ko neovlašteno proizvodi, prerađuje, prodaje ili nudi na prodaju ili radi prodaje kupuje, drži ili prenosi ili posreduje u prodaji ili kupovini ili na drugi način neovlašteno stavlja u promet materije ili pripravke propisom proglašene opojnim drogama, to se u radnjama optuženog stiču sva bitna obilježja krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. KZ F BiH, pa kako je optuženi bio svjestan svog djela i htio njegovo izvršenje, a ne postoje okolnosti koje isključuju odgovornost optuženog, to je sud optuženog oglosio krivim i osudio kao u izreci ove presude.

Prilikom odlučivanja o vrsti i visini krivično-pravne sankcije, sud je cijenio na strani optuženog sve okolnosti koje utiču na odmjeravanje kazne. Od olakšavajućih okolnosti sud je našao da optuženi priznaje izvršenje djela koje mu se stavlja na teret, da je mlad, da pokazuje iskreno kajanje, da je priznao krivnju na početku glavnog pretresa, da je neosuđivan, a od otežavajućih okolnosti nije našao ništa, pa je sud optuženom utvrdio kaznu zatvora u trajanju od jedne godine, pa cijeneći okolnosti pod kojima je došlo do

izvršenja krivičnog djela, da je dobrovoljno predao opojnu drogu, da je saradivao sa policijskim službenicima prilikom predaje droge, da je pokazao iskreno kajanje, uvjerenje suda je da se i sa uvjetnom osudom, kao mjerom upozorenja koja predstavlja prijetnju kaznom, u cjelosti može postići opšta svrha krivičnih sankcija, a u okviru iste i svrha kažnjavanja, te svrha uvjetne osude, optuženom je izrekao uvjetnu osudu kojom mu je utvrdio kaznu zatvora u trajanju od **jedne godine** te izrekao uvjetnu osudu kojom je utvrdio kaznu zatvora u trajanju jedne godine i istovremeno odredio da se ista neće izvršiti ukoliko optuženi u roku od jedne godine dana, a računajući od dana pravosnažnosti ove presude, ne počini novo krivično djelo.

U smislu odredaba člana 78. Zakona o krivičnom postupku F BiH i člana 238. stav 4. Zrivičnog zakona Federacije BiH optuženom se izriče mjera sigurnosti oduzimanja predmeta i privremeno oduzeta opojna droga „speed“ u šest paketića (1,837 grama, 1,862 grama, 0,396 grama, 0,307 grama, 0,813 grama, 0,499 grama ukupno 5,714 grama) se trajno oduzima, a količina preostala nakon vještačenja (1,810 grama; 1,831 gram, 0,374 grama, 0,279 grama; 0,78 grama i 0,474 grama) ima uništiti, te se naređuje se Komisiji za uništenje opojne droge formirane pri Vijeću Ministara BiH da odmah po prijemu naloga za izvršenje mjere sigurnosti a najdalje u roku od mjesec dana od PU IV PS Tešanj oduzme navedenu opojnu drogu preostalu nakon izvršenog vještačenja, te istu uništi u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekusora.

U smislu odredaba člana 202. stav 1. ZKP-a F BiH optuženi se obavezuje na plaćanje sudskog paušala u iznosu od 60,00 KM u roku pod 15 dana od dana pravosnažnosti ove presude.

Na osnovu svega navedenog odlučeno je kao u dispozitivu ove presude.

PRAVNA POUKA:

Protiv ove presude dozvoljena je žalba
Kantonalnemu sudu u Zenici putem ovog suda
u roku od 15 dana od dana prijema presude.

SUDIJA

Bekrić Hidajeta